

# REUNIAUN BA PREPARASAUN MINISTROS ADMINISTRASAUN INTERNA CPLP

Quarta, 8 Abril 2015, Directora Geral Servisus Korporativus, Ministério do Interior, Sra. Guilhermina F.S. Ribeiro, no akompaña hosi Segundu Komandante Geral, Komisariu Faustino da Costa, hodi kompartilha informasoens hirak ne'ebe mak presija atu hadia ba reuniaun internal preparasaun Nivel Alto Ministros da Administrasaun Interna, no Ministros do Interior CPLP nian ne'ebe mak halao iha Salaun enkontru Ministério do Interior Villa-Verde Dili.

Objectivo hosi enkontru semanal ida ne'e maka, atu identifika topiku prinsipal balun, ba preparasaun reuniaun nivel Alto Ministros do Interior CPLP nian, ba dala ha'at hamutuk ho Polisia sira, hodi diskuti kona-ba asuntos kooperasaun entre membrus CPLP, hodi hapar servisus no kooperasaun diak ba malu, no aumesmu tempu hamutuk ho komisaun organizadora para kontinua aktualiza nafatin informasaun hirak ne'ebe mak komisaun presija.

Iha fatin hanesan Directora Geral Servisus Korporativus Ministerio do Interior, Sra. Guilhermina F.S. Ribeiro, hateten iha sector rua mak to agora seidak hatama sira nia Sub-Tema hanesan bai-bain ita hotu hatene katak uainhira ita halo enkontru presija halo tema geral ba responsabilidade Ministerio Interior nian, no Tema Geral ida hosi sector ida-idak ninian, Mak hanesan parte Polisia Nasional Timor Leste, PNTL nian, no Servisu Migrasaun, Protesaun Sivil.

No DG-SK, mos kontinua subliña ba iha area protokolu nian, no komisaun organizadora halo aprosimasaun ona ba Ministerio Negosiu Estranjeiro, (MNEK). apartir de aban trinta doiz pessoas(32) ne'ebe maka instituisaun ida-idak identifika tia ona para sira bele tuir formasaun iha area protokolu ba ambitu CPLP ninian.

No iha sorin seluk Segundu Komandante Geral, Komisariu Faustino da Costa mos informa kona ba atividade Polisia Nasional Timor Leste PNTL ninian ba preparasaun enkontru Nivel Ministros, no Ministeriu Interior CPLP ninian. hateten katak, ami prepara Corpo Seguransa Pesoal (CSP) ba seguransa bainhira ita konfirmadu ona, Ministros hira mak mai, Xefe Polisia hirak mak mai, Diretores Nasional Bombeiros no Protesaun Sivil ninian hira mak mai, klaru ami sei tau Corpo Seguransa Pesoal (CSP) ba iha ne'eba hodi aseguira ema hirak ne'e hotu.

